

四庫全書

集部

欽定四庫全書

集部

文苑英華卷一百五十七

詳校官內閣學士臣瑞保

助教臣常循覆勘

總校官進士臣朱鈐

校對官編修臣秦臬

謄錄監生臣于希賢

欽定四庫全書

文苑英華卷一百五十七

宋 李昉等 編

天部七

元日二首

春四十三首

人日三首

上元三首

寒食二十首

上巳五首

三月晦日
一首附

夏八首

端午二首

伏日一首

元日

元日寄韋氏妹

杜甫

近聞韋氏妹迎在漢鍾離郎伯殊方鎮京華舊國移春
城迴北斗郢樹發南枝不見朝正使啼痕滿面垂

元日

劉長卿

建寅迴北斗看歷覘東風律變蒼

雜詠作滄

江外年加白髮

中春衣試稚子壽酒勸悲翁今日陽和發榮枯豈不同

春

春日想上林

梁簡文帝

春風本自奇楊柳最相宜柳條

類聚作葉

恒着地楊花好上

吹處處春心動常惜光陰移西京董賢館南苑習都池
荇間魚共樂桃上鳥相窺香車雲母幪駛馬黃金羈

晚春

前人

紫蘭葉初滿黃

一作嬌

鶯弄不稀石蹲還似獸蘿長更如

一作勝

衣水曲

一作凍

文魚

一作鯨

聚林

一作山

暝鴉鳥飛渚蒲

變新節巖松長舊園風花落未已山窓

一作齊

開夜扉

一作

皆藝文
類聚

春日

梁元帝

新鶯隱葉轉新燕向窓飛柳絮時依酒梅花任

初學記
作乍

入衣玉珂隨風度金鞍照日暉無令春色晚獨望行人

歸

春詠

吳均

春從何處來拂水復驚梅雲障青瑣闥風吹承露臺美
人隔十里羅幃閉不開無由共得

類聚作
得共

語空對相思

杯

同前

王筠

金堤草非舊玉池泉已新
風生似羊角雲上若魚鱗
幽閨多怨思停織坐回春
芳華既零落方作向隅人

春日貽劉孝綽

蕭子顯

澗水初流碧山櫻早發紅
新禽爭弄響落絮類聚作落藥亂

從風拂

一作掃

筵多軟幹映戶愁花叢誰云相去遠垂柳

對高桐

此詩後五句一本誤作簡文帝

春日

庚肩吾

桃紅柳絮白，照日復隨風。影出朱城外，花

類聚作香

歸青殿。

中水映寄生竹，山橫半死桐。頌文知淚

類聚作渥

重，媚札媿

才空。

同前

聞人舊

高臺動春色，清池映日華。綠葵向光轉，翠柳逐風斜。林有鳴心鳥，園多奪目花。相與咸知節，歎予獨離家。

初春

沈約

扶道覓陽春相將共攜手草色猶自非林中都未有無
事逐梅花空教信楊柳且復歸去來含情寄杯酒

詠春

前人

楊柳亂如絲綺羅不自持春草復黃綠

客類聚作傷

心悲此

時青苔已結洧碧水復盈淇日華照趙瑟風心動燕姬

衿中

類聚作襟中

萬行淚故是一相思

同前

前人

弱草半抽黃輕條未全綠年芳被禁藥煙華繞曾曲寒

苔卷復舒名泉斷方續早花散疑金初露泣成玉

春日寄鄉友

王僧孺

旅心已多恨春至尚離羣翠披

類聚作枝

結斜影水綠散直

文

類聚作綠水散圓文

戲魚兩相顧遊鳥半藏雲何時不憫默是

日最思君

春思

前人

雪罷枝即青水開春

類聚作水

便綠復聞黃鳥聲全作相思

曲

詠春

前人

岸

集作崖

煙起暮色岸水帶斜暉

集作輝

逕狹橫枝度簾搖

驚燕飛落花承步履流澗寫行衣何殊九芝蓋薄暮洞

庭歸

奉賀趙王西京路春旦

庾信

直城龍首抗橫橋天漢分風鳥疑近日露掌定高雲新
渠還入渭舊鼎更開汾漢獵熊羆攀檻秦田雉失羣宜年
動春律御宿歛寒氛弄玉迎簫史東方覓細君楊柳成

歌曲蒲桃學綉文鳥鳴還獨解花開先自薰誰知灞陵
下猶有故將軍

詠春

前人

逍遙遊桂苑寂寞想桃源狹石分花逕長橋映水門管
聲驚百鳥人衣香一園定知歡未足橫琴坐樹根

春望

周宗懷

日暮春臺倚

初學記
作傍

徙倚愛餘光都尉新移棗司空始

種楊一枝猶桂馥十步有蘭香望望無萱草忘憂竟不

忘

早春

前人

昨暝春風起今朝春氣來
鶯鳴一兩轉花樹數重開
散粉成初蝶剪彩作新梅
遊客傷千里無暇上高臺

晚春

隋煬帝

見初學記

洛陽春稍晚四望滿清暉
楊葉行將暗桃花落未稀
窺簷燕爭入穿林鳥亂飛
唯當關塞者溽露方霑衣

山庭春日

江總

洗沐惟五日棲遲在一丘古槎橫近澗危石聳前洲岸
綠開河柳池紅照海榴野花寧待晦山蟲詎識秋人生
復能幾夜燭非長遊

春庭晚望

初學記作
春晚庭望

隋蕭懿

春庭聊縱望樓臺自相隱窓梅落晚花池竹開初筍泉
鳴知水急雲來覺山近不愁花不飛到畏花飛盡

首春

唐太宗

寒隨窮律變春逐鳥聲開初風飄帶柳晚雪間花梅碧

林青舊竹綠
沼翠新苔
芝田初鴈去
綺樹未鶯來

月晦

前人

晦魄移中律
凝暄起麗城
罩雲朝蓋上
穿露曉珠呈
笑樹花分色
啼枝鳥合聲
披襟歡眺望
極目暢春情

春朝閒步

楊思道

偃沐垂閒豫
清晨步北林
池塘藉芳草
蘭芷襲幽衿
霧中分曉日
花裏弄春禽
野逕香恒滿
山階筍屢侵
何須命傾蓋
桃李自成陰

春日行歌

劉希夷

山樹落梅花飛落野人家
野人何所有滿甕陽春酒
携酒上春臺行歌伴落梅
醉罷卧明月乘夢遊天台

遊春

邢巨

海岳三峯古春皇二月寒
綠潭漁子釣紅樹美人攀
弱蔓環沙嶼飛花點石關
溪山遊未厭琴酌弄晴灣

春曉

孟浩然

春眠不覺曉處處聞啼鳥
欲知昨夜風

集作夜來風雨聲

花落

知一作無多少

立春後休沐

包佶

心與青春背新年亦掩扉
漸窮無相學唯避不才譏
積病攻難愈銜恩報轉微
定知書沒雜詠作課日優詔許辭歸

春夜所思

岑參

洞房昨夜春風起遙憶美人一作故人尚隔湘江水
枕上片集作

半時春夢中行盡江南數千里

春日即事二首

耿緯

詩書成志業懶慢致蹉跎聖代丹霄遠芳時白髮多淺

謀猶

集作地

自笑窮巷憶誰過寂寞前山暮

集作路

歸人樵

採歌

二

數畝東臯宅青春獨屏居家貧僮僕慢官罷友朋疎強
飲沽來酒羞省課了書閒花開集作更滿地惆悵復何如

詠春色

楊衡

靄靄復濛濛非霧滿晴空密添宮柳翠暗泄路桃紅縈

絲光乍失綠隙影纔通夕迷鴛枕上朝漫綺絃中促馬
馳香陌鶯鶯轉艷叢可憐腸斷望併在洛城東

春日偶題

前人

何處春先到橋東水北亭凍花開未得冷酒酌難醒就
日移輕榻遮風展小屏更無人勸飲集作不勞人勸醉鶯語漸
叮嚀

早春即事

前人

眼重朝眠足頭輕宿醉醒陽光滿前戶雪水半中庭候

集作
物變隨天氣春生逐地形北簷梅晚白東岸柳先青

葱隴抽羊角松巢墮鶴翎老來詩更拙吟罷少人聽

送春

前人

三月三十日春歸日復暮惆悵問春風明朝應不住送
春曲江上眷眷東西顧但見撲水花紛紛不知數人生
似行客兩足無停步日日進前程前程幾多路兵刃與
水火盡可違之去唯有老到來人間無避處感時良為
已獨倚池南樹今日送春心心如別親故

早春

司空圖

傷懷同客處，病眼即花朝。
草嫩侵疑沙，短水輕著雨。
銷風光知可愛，容駿不相饒。
早晚丹丘去，飛書首見招。

春日

溫庭筠

柳岸杏花稀，梅梁乳燕飛。
美人驚鏡笑，嘶馬鴈門歸。
楚宮雲影薄，臺城心賞違。
從來千里恨，邊色滿戎衣。

同前

方干

年去年來似有期，日高添睡是歸時。
雖將細雨催蘆笋，

却用東風染柳絲重霧已應吞海色輕霜猶自剗花枝
此時野客因花醉醉卧花間應不知

春陰

鄭谷

携琴當酒度春陰不自謀生祇解吟舞蝶歌鶯莫相試
老郎心是老僧心

惜春

羅鄴

燕歸巢後即離羣吟倚東風恨日曛一別一年方見我
愁來愁去不禁君鶯花御苑看將盡絲竹侯家一作門亦

少聞獨在南樓最惆悵柳塘飛絮更紛紛

早春

周朴

良夜歲應足嚴風為變春
遍回寒作暖通改舊成新
秀樹因馨雨疑融冰雨汎蘋
韶光不偏黨積漸煦疲民

長安春感

杜荀鶴

出京無計住京難
深入東風

集作門

轉索然滿眼有花寒

食下一家無信楚江邊
此時晴景愁於雨是處鶯聲苦

極

集作却

蟬公道算來終達去
更從今日望明年

立春

曹松

春日一盃酒便吟
春日詩木梢寒未覺地脉暖先知
鳥嘯星沉後山分雪薄時
寧無剪花手贈與最芳枝

雜詠作賞

心枝

人日

人日思歸

薛道衡

見雜詠

入春纔七日離家已二年
人歸落鴈後思發在花前

人日登高

喬

侶

見雜詠

僕本多悲者年來不悟春登高一遊目始覺柳條新社
陵猶識漢桃源不辨秦甌若昇雲霧還似出囂塵賴得
煙霞氣淹留攀桂人

人日寄杜二

高適

人日題詩寄草堂遙憐故人思故鄉柳條弄色不忍見

梅花滿枝堪

集作空

斷腸身在遠

集作南

藩無所預心懷百

憂復千慮今年人日空相憶明年此

集作老

日知何處一

卧東山三十春豈知書劍與

集作老

風塵龍鍾還忝二十

石愧爾東西南北人

上元

十五夜觀燈

盧照鄰

見雜詠

錦里開芳宴
蘭缸艷早年
綢彩遙分地
繁光遠綴天
接漢疑星落
依樓似月懸
別有千金笑
來映九枝前

正月十五夜

蘇味道

集無此篇

火樹銀花合
星橋鐵鎖開
暗塵隨馬去
明月逐人來
遊騎雜詠作妓皆穠李
行歌盡落梅
金吾不禁夜
玉漏莫相催

同前

崔液

見雜詠

玉漏銅壺且莫催，鐵關金鎖徹明開。
誰家見月能閒坐，何處聞燈不看來。

寒食

寒食清明日早赴王門率成 李嶠

遊客初

雜詠作趨

梁邸朝光入楚臺，槐煙乘曉散榆火。應春

開日帶晴虹上花，隨早蝶來雄風乘令節。餘吹拂衣灰

雜詠作歌吹拂輕灰

嶺表逢寒食

驩州風景
不作寒食

沈佺期

嶺外遲

集作海
外無

寒食春來不見飭洛陽新甲子何日是

清明花柳爭朝發軒車滿路迎帝鄉遙可念腸斷報花

情

寒食絕句

李宗嗣

普天皆滅焰匝地盡藏煙不知何處火來至

集作就

客心

燃

和常州崔使君寒食夜

孫

逖

見雜
詠

聞道清明近春庭向夕闌行遊晝不厭風物夜宜看斗
柄更初轉梅花暗裏殘無勞秉華燭晴月在南端

和上巳連寒食有懷京洛 前人

天津御柳碧遙遙軒騎相從半下朝行樂光輝寒食借
太平歌舞晚春饒紅粧樓下東郊道青草洲邊南渡橋
坐見司空掃兩第省君侍從落花朝

寒食汜水山中作

王維

見雜錄

廣武城邊逢暮春汶陽歸客淚沾巾落花寂寂啼山鳥

楊柳青青渡水人

一百五日夜對月

杜甫

見集本

無家對寒食有淚如金波
斫却月中桂清光應更多
仳離放紅蘂想象嚙青娥
牛女漫愁思秋期猶渡河

清明

前人

此身飄泊苦西東右臂偏枯半耳聾
寂寂繫舟雙下淚悠悠伏枕左書空
十年蹴踘將雛遠萬里鞦韆習俗同
旅鴈上樓歸紫塞家人鑽火用青楓
秦城樓閣煙花裏

漢主山河錦綉中春去

集作風水

春來洞庭濶白蘋愁殺白

頭翁

奉和陸中丞使君長源寒食日作

釋皎然

寒食江天氣最清庾公晨望動高情因逢內火千家靜
便覩行春萬木榮深淺山容飛雨細縈紆水態拂雲輕

腰章本郡誰相似數日臨民

雜詠作人

政已成

寒食日即事

韓翃

春城無處不飛花
寒食東風御柳斜
一夜集作日暮漢宮傳

蠟燭青

集作輕

煙散入五侯家

洛陽清明日雨霽

李正封

曉日清明天夜來
嵩少雨千門止煙火
九陌無塵

雜詠作風

土酒淥市

文粹作河

橋春漏閒宮殿午
遊人戀芳草半犯嚴

城鼓

寒食日寄李補闕

郭 鄆

蘭陵士女滿晴川
郊外紛紛拜古埏
萬井閭閻皆禁火

九原松柏自生煙
人間後事悲前事
鏡裏今年老去年
介子終知祿不及
王孫誰肯一相憐

洛橋寒食

白居易

上苑風煙好
中橋道路平
蹴毬塵不起
潑火雨新晴
宿醉頭仍重
晨遊眼乍明
老慵雖省事
春集作春誘尚多情

遇客踟躕立
尋花取次行
連錢嚼金勒
鑿落寫銀罌
府

醞傷教送宮

集作官

娃氣

集作起

要迎舞腰那
及柳歌舌不

如鴛鄉國真堪戀
光陰可合輕三年
寒食節

集作遇寒食

盡

在洛陽城

寒食江畔

前人

草香沙暖水雲晴風景令人憶帝京
還似往年春氣味不宜今日病心情
聞鶯樹下沉吟立信馬江頭取次行
忽見紫桐花悵望下邳明日是清明

寒食前有懷

溫庭筠

見雜詠

萬物相鮮雨乍晴春寒戚

雜詠作寂

歷近清明殘芳冉冉雙

飛蝶晚睡朦朧百轉鶯舊侶不歸成獨酌故園雖在有

誰耕悠然便雜詠作耕起嚴灘恨一宿東風蕙草生

寒食遣懷

趙嘏

折柳城邊起暮愁可憐春色獨懷秋一作羞傷心雜詠作沾襟

正歎人間事回首更慚江上鷗鷓鴣聲中寒食酒芙蓉苑外夕陽樓憑高滿眼送清渭去傍故山山下流

寒食日早出城東

羅隱

青門欲曙天車蓋集作馬已喧闐禁柳搖風細墻花折露

鮮向誰誇麗景只此是雜詠作見歎流年不得高飛便回頭

望紙鷲

長安清明

韋莊

早是傷春暮雨天可憐芳

雜詠作風

草更芊芊內官初賜清

明火上相閒分白打錢紫陌亂嘶紅叱撥綠楊高影

雜詠

作映畫秋千遊人記得承平事暗喜風光似昔年

寒食二首

李山甫

柳礙

雜詠作擬

東風一向斜春陰淡淡濛人家有時三點兩

點雨到處十枝五枝花萬井樓臺疑綉畫九原珠翠似

煙霞年年今日誰相問
獨坐長安泣歲華

二

風煙放蕩花披猖
秋千女兒飛出牆
綉袍馳馬拾雜詠作概

遺翠錦袖鬪雞喧
廣場天地氣和融
霽色池臺日暖燒雜詠作遠

雜詠作遠

春光自憐塵土無多事
空脫荷衣泥醉鄉

上已

三日率爾成篇

沈約

麗日屬元巳年芳具在斯
開花已匝樹流鶯復滿枝
洛

陽繁華子長安輕薄兒東出千金堰西臨鴈鶩陂遊絲

映空轉高柳拂池垂綠萍

類聚作惟

文照耀紫燕光陸離清

晨戲伊水薄暮宿蘭池象筵鳴寶瑟金瓶泛玉卮仍憶

蠶眠起

類聚作寧憶春蠶起

日暮桑欲萎長袂屢以拂雕胡方自

炊愛而不可見宿昔減容儀早常忘情士歎息獨何為

上巳禊飲

盧思道

山泉好風日城市厭囂塵聊持一罇酒共尋千里春餘
光下幽桂夕吹舞青蘋何時出關後重有入山人

桂州三月三日

宋之問

代業京華裏，遠投魑魅鄉。登高望不見，涉海四茫茫。伊

昔承休盼，曾為人所羨。兩宮

雜詠作朝

賜顏色，二紀陪遊宴。

昆明御

雜詠作禦

宿侍龍媒，伊闕天泉復。幾回西夏黃河水，

心劒東周清洛羽觴杯。苑中落花掃還合，河畔垂楊撥

不開。千秋獻壽多行樂，栢梁和歌攀膚作。賜金分帛駐

光輝，風舉雲搖入紫微。晨趨北闕鳴珂至，夜出南宮把

燭歸。載筆儒林多歲月，襟被文昌佐吳越。越中山海高

且深興來無處不登臨永和九年刺海郡暮春三月醉
山陰愚謂嬉遊長作昔不言流寓脩成今始安繁華舊
風俗帳飲傾城沸江曲主人絲篴清且悲客子肝腸斷
還續荔浦衡高萬里餘洛陽音信絕能疎故園今日應
愁思曲水何能更祓除作伴唯憐合浦葉思歸豈食桂
江魚不求漢使金囊贈願得家人錦字書

上巳日

劉 駕

上巳曲江濱喧於市朝路相尋不見者此地皆相遇日

光去此遠翠幕張如霧何事歡娛中易覺春城暮物情
重此節不是愛芳樹明日花更多何人肯回顧

同前

一作上巳
日寄韓八

唐彥謙

上已接寒食鶯花寥落辰微微潑火雨草草踏青人涼
似三秋景清無九陌塵伯輿一作與同病者對此合傷神

三月晦日贈錄事

一作評事

賈島

三月更當

更一作正

三十日春

一作風

光別我苦吟身共君今

夜不須寢

集作寐
一作睡

未至曉鐘

集作未
到五更

猶是春

此詩二百五十九卷重出今已削去注異同為一

作

夏

夏夜獨坐

蕭子範

節序遇

類聚作值

徂炎茲宵在三伏憑軒佇涼氣中庭卷煩

燠寂寞對空窓清疎林

類聚作臨

夜竹蟲聲亂階草螢光繞

庭木簾月度斜暉風花起餘馥一傷年志罷長嗟逝波

速

夏日

徐 拙

夏景厭房櫳促席翫花叢篠

初學記作荷

陰叙合翠蓮影對

分紅此時避炎熱清樽獨未空

同前

李德林

見初學記

夏景多煩蒸山水暫追涼桐枝覆玉檻荷葉滿銀塘輕
扇搖明月玕簟拂流黃壺盛仙客酒瓶貯帝臺漿才人
下銅雀侍妓出明光歌聲越齊市舞曲冠平陽微風動
羅帶薄汗染紅粧共欣陪宴賞千秋樂未央

初夏

唐太宗

一朝初

初學記
作春

夏改隔夜鳥花遷陰陽深淺葉曉夕重

輕煙嘒鶯猶響殿橫絲正網天珮高蘭影接綬細草文
連碧鱗驚棹側玄燕舞簷前何必汾陽處始復有山泉

賦得夏首啓節

前人

北闕三分晚南榮九夏初黃鶯嘒漸變翠林花落餘瀑
流還響石

初學記
作谷

猿啼自應虛早荷向心捲長楊就影

舒此時歌不極調軫坐相於

夏日即事

裴說

僻居門巷靜竟日坐階墀鵲喜雖傳

集作遂逢

信蛩吟不見

詩筍抽通舊竹梅落

集作墜

立閒枝此際無塵繞僧來稱

所宜

夏日即事

劉得仁

到曉改詩句四隣嫌苦吟中宵橫北斗夏木隱棲禽
地先秋肅軒窓映月深幽庭多此景却恐曙光侵

晚夏

前人

日夕是西風流光半已空山光漸凝碧樹葉即翻紅學
淺慚多士秋成羨老農誰憐信公道不泣路岐中

端午

五日

王筠

見初學記

裁縫逗早夏點畫守初晨綃紈既妍媚脂粉亦香新長
絲表良節命縷應佳辰結蘆同楚客採艾異詩人折花
競鮮彩拭露染芳津含嬌起斜盼歛笑動微嚔獻瑞依
洛浦懷珮似江濱須待恩光接中夜奉衣巾

同前

魏收

見初學記

麥涼殊未畢
蜩鳴早欲聞
喧林尚黃鳥
浮天已白雲
辟兵書鬼字
神印題靈文
因想蒼梧郡
茲日祀陳君

伏日

伏日作

鄭曉

平生三伏時
道路無行車
閉門避暑卧
出入不相過
今世襍穢子
觸熱到人家
主人聞客來
頻感類聚作蹴奈此何
謂當起行去
安坐正踞跨
所說無一急
踏踏一何多
疲

倦向之久笑問君極那揺扇臂

類聚作脾

中痛

雜詠作疼

流汗正

滂沱莫謂此小事亦是一大瑕傳戒

類聚作語

諸高明熱行

宜見訶

文苑英華卷一百五十七

欽定四庫全書

文苑英華卷一百五十八 宋 李昉等 編

天部八

秋三十首 七夕十九首

九日十六首 冬九首

除夜十四首

秋

初秋 梁簡文帝

羽翬晨猶動珠汗晝恒揮秋風忽嫋嫋向夕引涼歸卷

幌通河色開窓望月輝晚花欄下照

初學記作晚照花欄下

疎螢

簾上飛直至猶如此何況送將歸浮陰即染浪清氣始

乘衣

類聚有此二句

秋夜

梁簡文帝

盲風度函谷墜露下芳枝綠山倒雲氣青潭銜月規花
心風上轉葉影樹間移外遊獨千里夕歎共誰知

秋夜

沈約

月落宵向分紫烟鬱氛氲
瞠瞠螢入霧離離鴈出雲
巴童暗理瑟漢女夜縫裙
新知樂如是久要詎相聞

秋日

鮑泉

露色未成霜梧楸欲半黃
燕去簾

初學記作簾

恒靜蓮寒池

不香夕鳥飛向日

類聚作夕鳥飛向日

餘蚊聚逐光旅情恒自苦

秋夜漸應長

和初秋

庾信

落星初伏火秋霜正動鐘
北閣更

初學記作連

橫漢南宮映

鑿龍祥鸞棲竹實靈蔡止

初學記
作上

芙蓉自有南風曲還

來吹九重

秋日

此乃王冑奉和悲秋應令
十韻詳具一百七十九卷

庾信

晚秋

前人

淒清臨晚景疎索望寒階庭濕

初學記
作濕庭

凝墜露搏風卷

落槐白氣斜還冷雲峰晚更霾可憐數行鴈點點遠空

排

和潁川公秋夜

前人

泐寥空色遠葉黃淒序變洞浦落遵鴻長飈送巢燕千
秋流夕景百籟含宵嘒峻雉聆金柝曾臺切銀箭

悲秋

隋煬帝

故年秋始去今年秋復來露濃山氣冷風急蟬聲哀鳥
擊初移樹魚寒欲隱苔斷霧時通日殘雲尚作雷

度秋

唐太宗

見初學記

夏律昨留灰秋箭今移晷峨眉岫初出洞庭波漸起桂
白發幽巖菊黃開灞涘運流方可歎含毫屬微理

秋日二首

唐太宗

見初學記

爽氣澄蘭沼，秋風動桂林。
露凝千片玉，菊散一叢金。
日岫高低影，雲空點綴陰。
蓬瀛不可望，泉石且娛心。

二

菊散金風起，荷疎玉露圓。
將秋數行鴈，離夏幾林蟬。
雲凝愁半嶺，霞碎纈高天。
還似成都望，直見峨眉前。

秋夜

初學記作日

翠微宮

前人

秋光凝翠

或作紫

嶺涼吹肅離宮，荷葉疎一蓋。
缺樹冷半

空初學記作荷疎一側陣移鴻影圓花釘菊叢攄懷俗

塵外高眺白雲中

秋夜獨坐

王維

獨坐悲雙鬢空堂欲二更雨中山果落燈下草蟲鳴白
髮終難變黃金不可成欲知除老病唯有學無生

秋興

杜甫

聞道長安似奕棋百年世事不勝悲王侯第宅皆新主
文武衣冠異昔時直北關山金鼓振征西車騎集作羽

書馳魚龍寂寞秋江冷故國平居有所思

秋夜獨坐

袁朗

危絃斷客心虛彈落驚禽故人百慮靜

一作盡

獨夜九愁

深枯蓬唯逐吹墜葉不歸林如何悲此曲坐作白頭吟

秋興

王昌齡

日暮西北堂涼風洗脩木著書在南窓門館常肅肅苔
草延古意視聽轉幽獨或問余所營刈黍就寒谷

立秋日

司空曙

律變新秋至蕭條自此初花酣蓮報謝葉在柳呈疎淡

日非雲映清風似雨餘卷帷

百家詩作簾

涼暗度迎扇暑先

除草靜多翻燕波澄下露魚今朝散騎省作賦興何如

秋夜作

常應物

暗窓涼葉動秋齋寢席單憂人半夜起明月在林端一
與清景遇每憶平生歡如何方惻愴披衣露轉寒

秋夜

前人

高閣漸凝露涼葉梢飄闌憶在南宮直夜長鐘漏稀

秋夜早行

戴叔倫

山曉旅人去天高秋氣悲
明河川上沒芳草露中滋
此別又千里少年能幾時
心知剡溪路聊且寄前期

秋暮

賈島

北門楊柳葉不覺已繽紛
值鶴因臨水迎僧忽背雲
白鬚相並出暗淚兩行分
默默空朝夕苦吟誰喜聞

秋夕即事

劉得仁

永夕坐暝久不聞猿狖啼
漏微砧韻隔月朗斗星低
危

葉無風落幽禽並樹棲自憐無援者甘與路歧迷

秋思

周賀

楊柳已秋色楚田方刈禾歸心疾所切敗葉夜來多細
雨城鷗噪殘陽嶠客過古都餘業在香隔洞庭波

秋夕

聶夷中

日往無復見秋堂暮仍學玄髮不知白曉入寒銅覺為
材未離羣一作樹有玉猶在璞誰把碧桐枝刻作雲門樂

同前

劉駕

促織燈下吟燈光冷於水鄉魂坐中去倚壁身如死求
名為骨肉骨肉萬餘里富貴在何時離別今如此出門
長嘆息月白西風起

同前

張喬

春恨復秋悲秋悲難到時每逢明月夜長起故山思巷
僻行吟遠蛩多獨卧遲溪僧與樵客動別十年期

中秋

鄭谷

清香聞晚蓮水國雨餘天天氣正得所客心剛悄然亂

兵何日息故老幾人全此際難消遣從來未學禪

秋晚

羅鄴

殘星殘月一聲鐘水際巖根爽氣濃不向碧堂驚醉夢
但求清鏡促愁容繁金泣露荒籬菊獨翠凝烟遠澗松
閒步幽林與苔迳漸移栖鳥息鳴蛩

秋深

周朴

柳色尚沉沉風吹秋更深山河空有道鄉國自鳴砧
有千家月人無萬里心長城哭崩後寂絕至而今

七夕

七夕

梁武帝

白露月下圓

一作團

秋氣

一作風

枝上鮮瑤臺含碧霧羅

一作

翠幕生紫烟妙會非綺節佳期乃涼年玉壺井

一作承

夜

急蘭膏依曉煎昔悲漢難越今傷河易旋怨咽雙目斷

悽切

初學記作到

兩情懸

一作皆藝文類聚

望織女

前人

人類聚作左雲

盈盈一水邊夜夜空自憐不辭精衛苦河流未可填寸

情百重結一心萬處懸願作雙青鳥共書類聚作舒明鏡前

七夕穿針

柳惲

代馬秋不歸縑紈無復緒迎寒理衣一作夜縫映月抽纖

縷的爍愁睇光連娟思眉聚清一作夜露下羅衣秋風吹

玉柱流景對秋夕一作流陰稍已多餘光亦難取一作誰與

七夕

何遜

仙車駐七襄鳳駕入天潢月映九微火風吹百和香來

一作達歡暫巧笑還淚已沾一作帝粧依稀猶洛汭倏忽似

高唐別離未

一作不

得語河漢漸湯湯

一作皆雜詠

織女贈牽牛

沈約

紅粉

一作粧

與明鏡二物本相親用持施點畫不照離居

人往秋雖一照一照復還塵塵生不復拂蓬首對河津

冬夜寒如此

一作是

寧遽道陽春初商忽云至暫得奉衣

巾施衿已成

一作識已

故每恥輒

一作忽

如新

一作皆藝文類聚

牽牛答織女

王筠

新知與生別由來儻相值豈如寸心中一宵懷兩事歡

娛未繾綣倏忽成離異終日遙相望祇憶雜詠作益生愁思

猶想類聚作憶今春悲尚有故年淚忽遇長河轉獨喜良飈

至奔精翊鳳軫纖阿雜詠作珂警龍轡

七夕

庾肩吾

玉匣卷懸衣針縷類聚開夜扉姮娥隨月落織女逐星

移離前省促夜別後對空機得類聚作情語凋翎雜詠作請

並作彫陵二字出莊子鵲填河未可飛

同前

江總

漢曲天榆冷河邊月桂秋婉孌期今夜飄飄度淺流輪
隨列宿動類聚作轉路遠綵雲浮橫波翻瀉淚束素反緘愁
此時機杼息獨向紅粧羞

同前

王 昶

見初學記

天河漢欲曉鳳駕儼應飛落月移粧鏡浮雲動別衣歡
逐今宵盡愁隨還路歸猶將宿昔淚更上去年機

同賦山居七夕

李 嶠

明月青山夜高天白露秋花庭開粉席雲岫敞斜樓雜詠

作雲影
斜針樓

石類支機影池似泛槎流暫驚河女鵲終狎野

人鷗

七夕

張文恭

鳳律驚秋氣龍梭靜夜機星橋百枝動雲路七香飛
月回彫扇凌霞曳綺衣含情向華幄流態入重闌歡餘
夕漏盡怨結曉驂歸誰言類聚作念分河漢還憶兩心遠

同前

杜審言

白露含明月青雲斷絳河天街七襄轉閣道二神過
祔

服綃環珮香庭拂綺羅年年今夜盡機杼別情多

同前

祖詠

閨女求天女更闌意未闌玉庭開粉席羅袖捧金盤向
月穿針易臨風整線難不知誰得巧明日試尋看

同前

楊衡

漢浦常多別山

一作星

橋忽重遊向雲迎翠輦當月拜珠

旒寢幌凝宵態粧奩閉曉

一作晚

愁不堪鳴柳

一作杼

日空

對白榆秋

七夕二首

劉禹錫

河鼓靈旗動姮娥破鏡斜滿空天是幕徐轉斗為車機
罷猶安石橋成不礙查寧

集作誰

知觀津女竟夕

集作終日

望

雲涯

二

天衢啓雲帳仙馭上星橋初喜渡河漢頻驚轉斗杓餘
霞張

集作開

錦幃輕電閃紅綃非是人間世還悲後會遙

七夕

溫庭筠

鵲歸鸞

雜詠
作燕

去兩悠悠青瑣西南月似鉤天上歲時星

又轉世間離恨

雜詠
作別

水東流金風入樹千門夜銀漢橫

空萬象秋蘇小回塘通桂楫未應清淺隔牽牛

同前

曹松

牛女相期七夕秋相逢俱喜鵲橫流彤

雜詠
作寒

雲縹緲迴

金輅明月嬋娟掛玉鉤翠

雜詠
作燕

羽幾曾添別恨花容終

不更含羞更殘便是分襟處曉箭東來射翠樓

同前

唐彥謙

露白風清夜向晨小星垂珮月埋輪絳河浪淺休相隔
滄海波深尚作塵天外鳳凰何寂寞世間烏鵲漫辛勤
猗蘭殿北斜樓上多少通宵不睡雜詠人作寐

九日

九日賦韻

梁簡文帝

是節協陽數高秋氣已精簷

類聚作蟾

芝逐月啓帷風依夜

清遠燭成歌黛斜橋聞履聲梁塵下未息共愛賞年

類聚

作并

衡州九日

江總
見雜詠

秋日正淒淒茅茨復蕭瑟
佳人薦初醞幼子問殘疾
園菊把黃華庭榴剖珠寶
聊以著書情暫遣他鄉日

九日至微山亭

許敬宗

心逐南雲逝影隨北鴈來
故鄉籬下菊今日幾花開

蜀中九日

王勃
見雜詠

九月九日望鄉臺他席他鄉送客杯
今日已厭南中苦鴻鴈那從北地來

九日

張謩

秋來林下不知春一種佳遊事也均絳葉從朝飛盡夜

黃花間

初學記
作開

日未成旬將曛栢樹頻驚馬半醉歸途

數問人城外

初學記
作遠

登高併九日茱萸凡作幾年新

九日作

王

縉

見初
學記

莫將邊地比京都八月嚴霜草已枯今日登高樽酒裏

不知能有菊花無

重九日懷襄陽

孟浩然

去國似已

一作如昨

倏然輕杪秋峴山望

一作香

不見風景

令人愁誰採籬下菊應閒池上樓宜城多

一作名

美酒

一作

醞歸與葛疆遊

九日

杜甫

舊與蘇司業兼隨鄭廣文採花香泛泛坐客醉紛紛野
樹歌還倚秋砧醒却聞歡娛兩冥冥西北有孤雲

九日藍田崔氏莊

前人

老去悲秋強自寬興來終

集作今

日盡君歡羞將短髮還

吹帽笑倩旁人為整

集作正

冠藍水遠從千澗落玉山高

並兩峰寒明年此會知誰在

集作健

醉把茱萸仔細看

九日登梓州城

前人

客心驚暮序賓鴈下襄

一作滄

州共賞重陽節言尋戲馬

遊湖風秋

一作扶

戍柳江雨暗山樓且酌東籬菊聊祛南

國愁

九日陪崔郎中北山醺

嚴

維

見雜錄

上客南臺至重陽此會文菊芳寒露洗杯翠夕陽曛務

簡人同醉溪間鳥自羣府中官最小唯有孟參軍

九日登青山

朱灣

昔日惆悵處

一作地

繫馬又

一作共

登臨舊地

一作處

烟霞在

多時草木深水將空舍

一作合

色雲共

一作與

我無心細想

一作相見

龍山會良辰亦似今

觀衛尚書九日對中使射破的戎昱

盛宴傾黃菊殊私降紫泥月營開射圃霜旆拂旌霓出
將三朝貴彎弓五善齊腕迴金鏃滿的破綠弦低勇氣

千牛斗歡聲震鼓鼙忠臣思報國更欲取關西

九日

李羣玉

玉體泛金菊雲亭蔽黛

集作玳

筵晴山低畫浦斜鴈遠書

天謝眺離都日殷公出守年不知瑤水宴誰和白雲篇

近見去年聖
製黃菊聯句

重陽夜旅懷

鄭谷

強挿黃花三兩枝還圖一醉浸愁眉半床斜月醉醒後
惆悵多於未醉時

冬

大同十年十月戊寅

梁簡文帝

喧塵是時息靜坐對重巒冬深柳條落雪後桂枝殘星

明霧色盡天白鴈行單雲飛乍想閣水浩

類聚作結

遠疑紈

晚橘隱重屏枯籐帶迴竿兵

初學記雜詠並作岳類聚作壯

陰連水氣

山峰深水寒

初學記雜詠並作添月寒類聚作染月寒

玄圃寒夕

前人

洞庭門

類聚作洞門扉

未掩金壺漏已催曠

類聚作曠

烟生澗曲暗

色起林隈雪花無有帶冰鏡不安臺堦楊始倒插浦桂
半新栽陳根委落蕙細葉類聚作藥發香梅鴈去銜蘆上猿
戲遶枝來

冬夕

初學記無夕字類聚作大同十一月庚戌

前人

茲園植藝積山谷久紆歲

初學記作歲類聚作威

貴與

初學記最作興

多緒

類聚作直典轉多緒

真事亦因依是節嚴冬景

類聚作暮

寒雲曳

類聚作掩

落暉遠聞風瑟瑟亂視雪霏霏浪起川難渡林深

人至稀山禽背還走野鳥歷塘飛

冬夜

隋煬帝

不覺歲時

初學記作將

盡已復入長安月影含冰凍風聲淒

夜寒江海波濤壯峭潼阪險難無因寄飛翼徒欲動和鑒

孟冬

杜甫

殊俗還多事方冬變所為破柑霜落爪嘗稻雪翻匙巫

岫寒都薄黔溪

集作鳥沙

瘴遠隨終然減灘瀨暫喜息蛟螭

至日遣興寄北省舊閣老兩院故人

前人

憶昨逍遙供奉班去年冬至

集作今日

侍龍顏駢不動爐

烟上孔雀徐開扇影還玉几由來天北極朱衣只在殿
中間孤城此日堪腸斷愁對寒雲雪滿山

冬夕

張籍

寒蛩獨罷織湘鴈猶能鳴月色當窓入鄉心半夜生不
成高枕夢復作遶堦行迴首嗟淹泊城頭北斗橫

冬日後作

裴說

寂寞掩荆扉昏昏坐欲癡事無前定處愁有併來時
影纔添線鬢根已半絲明庭正公道集作論應許苦心詩

冬日作

前人

糲食攤敗絮苦吟吟過冬稍寒人却健太飽事多慵樹
老生烟薄牆陰貯雪重安能只如此公道會相容

除夜

守歲

唐太宗

見雜詠

暮景斜芳殿年華麗綺宮寒辭去冬雪暖帶入春風堦

馥舒梅素盤花卷燭紅共歡新故歲迎送一宵中

前題

前人

歲陰窮暮紀獻節啓新芳冬盡今宵促年開明日長
冰消出鏡水梅散入風香對此歡終宴傾壺待曙光

於西京守歲

駱賓王

見雜詠

閒居寡言宴獨坐卷風塵忽見嚴冬盡方知列宿春
夜將寒色去年共曉光新耿耿他鄉夕無由展舊親

歲除夜來張少府宅

集作除夜樂城逢張少府作

孟浩然

雲海訪

集作泛

甌閩風濤

集作潮

泊島濱何知歲除夜得見

故鄉親予是乘桴客君為失路人平生復能幾一別十

餘春

除夜有懷

前人

五更鐘鼓欲相催四氣推遷往復迴帳裏殘燈纔有

雜詠

作猶去

焰爐中香氣盡成灰漸看春逼芙蓉枕頓覺寒銷

竹葉盃守歲家家應不

集作未

卧相思那得夢魂來

除夜宿石橋館

戴叔倫

旅館誰相問，寒燈獨可親。
一年將盡夜，萬里未歸人。
寥

落悲前事，羈

雜詠作支

離笑此身衰，顏與愁鬢

雜詠作哀駿

明日

去逢春

嶺外守歲

李福業

冬共

雜詠作去

更籌盡，春隨斗柄迴。
寒暄一夜隔，客鬢兩年

催

歲暮

白居易

窮陰急景暗

集作生

相催壯齒韶顏去不回舊病重因年

老發新愁多是

集作待

夜長來膏明自熱緣多事鴈默先

烹為不才福禍細尋無會處不如且進手中盃

客中守歲在柳家庄

前人

守歲樽無酒思鄉淚滿襟始知為客苦不及在家貧畏

老偏驚節懷

集作防

愁預惡春故園今夜裏應念未歸人

除夜

王湮

今歲今宵盡明年明日催寒隨一夜去春逐五更來氣

色空中改容顏暗裏迴風光人不覺已著後園梅

同前

曹松

舊歷不足卷東風還坐聞一宵有幾刻兩歲欲平分臘
盡傾時斗春通綻處雲明朝遙捧酒先合祝吾

類詩
君

江外除夜

前人

千門庭燎照樓臺總為年光急急催半夜臘因風卷去
五更春被角吹來寧無好鳥思花發應有遊魚待凍開
不是多岐漸平穩誰能呼酒祝昭回

歲除對王秀才作

韋莊

我惜今宵促君愁玉漏頻豈知新歲酒猶作異鄉身雪
向寅前凍花從子後春到明追此會俱是隔年人

除夜

羅隱

官歷行將盡村醪強自傾厭寒思暖律畏老惜殘更歲
月已如此寇戎猶未平兒童不諳事歌吹待天明

文苑英華卷一百五十八

欽定四庫全書

集部

文苑英華卷一百

五十九至
六十一

詳校官內閣學士臣瑞保

助教臣常循覆勘

總校官進士臣朱 鈐

校對官庶吉士臣祖之望

謄錄舉人臣郭文鈺

欽定四庫全書

文苑英華卷一百五十九

宋 李昉等 編

地部一

山三十五首 終南山十首

泰山三首 華岳八首

山

遊鍾山

沈約

靈山標

文選作記地德陰險資岳靈終南表秦館少室邇王

城翠鳳翔淮海襟帶繞坤垌北阜何其峻林薄杳蔥青

發地多奇嶺干雲非一狀合沓共隱天參差分

文選作互相

望鬱律構丹巘峻嶒起青嶂勢隨九疑高氣與三川壯

即事既多美臨眺殊復奇南矚

文選作瞻

儲胥觀西望昆明

池山中咸可悅賞逐四時移春光發隴首秋風生桂枝

多值息心侶結架山之足八解鳴澗流四禪隱巖曲窈

冥終不見蕭條無可欲所願從之遊寸心於此足君王

挺逸趣羽旆臨崇基白雲隨玉趾青霞雜桂旗淹留訪

五藥顧步佇三芝於焉仰鑣駕歲暮以為期

遊金華山

前人

遠策追風

集作風

心雲山協文

一作父

要天倪臨紫闕道地

一作地道

通丹徼未乘琴高鯉且從

一作縱

嚴陵釣若蒙羽駕

迎得奉金書名高馳入閭闔方覩靈妃笑

登鍾山下峯望

虞騫

冠者五六人攜手岩之際散意百仞端極目千里睇疊

岫乍明昏

一作昏明

高

一作浮

雲時卷閉遙看野樹短望行

一作人細

賦得山

庚肩吾

層雲竦峻嶺絕澗倒危峰刻削臨千仞嵯峨起百重行
曦上杳杳結霧下溶溶仁心留此屬休愧奉羣龍

遊甌山

前人

子平去已久餘光

聚類作風

今復追未必遊春草王孫自不

歸路高村返出林長鳥更稀寒雲開

類聚作閒

石起秋葉下

山飛西河方閱訓詎得解朝衣

登壽陽八公山

吳均

遠澗自傾注曲石漱戔戔

集作遠澗百頃曲石漱復戔戔

含珠岸恒翠

懷玉浪多圓踈峰時吐月密樹不開天
瑤繩盡玄秘金檢上竒篇是有琴高者
波陵去水仙

奉和登景陽山

任昉

物色感神遊升高悵有閔南望銅駝街

一作街

北走長楸

埒別苑間

一作澆

溟疏土

一作山

駕瀛碣神鯉

一作鯨

吐華

浪司南動輕桺日下千

一作重

門照雲開九華徹觀閣隆

舊恩奉圖愧前哲

上蓮山

蕭

揮

見初學記

獨邁青蓮嶺探奇紫蓋峰挂流遙似鶴挿石近如龍沙
崩聞韻鼓霜落似鳴鐘飛花滿叢桂輕吹起脩筇石浦
蒲一作今尚有深一作摘更相逢

遊山

庾信

聊登玄圃殿更上增城山不知高幾里低頭看世間唱
歌雲欲聚彈琴鶴欲舞澗底百重花山根一片雨婉婉

藤倒垂亭亭松直豎

山二首

釋惠標

見初學記

靈山蘊麗名秀出寫蓬瀛
香爐帶煙上紫蓋入霞生
霧捲蓮峰出巖開石鏡明
定知丘壑裏併佇白雲情

二

峨眉信重險天目本仙居
金華抱丹竈玉笥蘊神書
幽人披薜荔怨妾採靡蕪
紫巖無暮雨何時逢故夫

小山

崔仲才

崑丘本難步軒臺不易朝還往麟洲上時聽鳳凰簫霞
觀文犀簾香臨碧玉條且學燒丹甑何假摘靈桃

山

李德林

登嶺望重關腰珮且鳴環天河臨易飲月桂近將攀王
母西山至夫人南岳還何必陽臺下要待夢容顏

同前

李嶠

山嶺鬱氛氲

一作地鎮
標神秀

我我上翠氛泉飛一道帶峰出

半天雲古壁丹青色新花錦綉文已開封禪禮

一作希

謁聖明君

登襄州峴山

張九齡

昔年亟攀踐，征馬復來過。信若山川舊，誰如集作知歲月

何蜀相吟安在？羊公碣已磨。今圖猶寂寞，嘉會亦蹉跎。

宛宛樊池

集作城

岸悠悠。漢水波逶迤，春日遠感寄客情。

多地本原林秀，朝來煙景和同心。不同賞留歎，此巖阿

白鹽山

杜甫

卓立羣峰外，蟠根積水邊。他皆任厚地，我集作獨近高

天白勝千家邑清秋萬里

集作估

船詞人取佳句刷鍊始

堪

集作刻
畫竟難傳

閨山

此詩見三百四
十二卷歌行中

前人

丈人山

前人

自為青城客不唾青城地為愛丈人山丹梯近幽意丈
人祠西佳氣濃緣雲擬住最高峰掃除白髮黃精在君
看他時冰雪容

天門山

李白

迥出江上山雙峰自相對岸映松色寒石分浪花碎參
差遠天際縹緲晴霞外落日舟去遙回首沉青靄

靈墟山

前人

丁令辭世人拂衣向仙路伏鍊九丹成方隨五雲去松
蘿蔽幽洞桃杏深隱處不知曾化鶴遼海歸幾度

登我眉山

前人

蜀國多仙山峨眉邈難匹周流試登覽絕恠安可息青
冥倚天開彩錯疑畫出冷然紫霞賞果得錦囊銜雲間

吹瓊簫石上弄寶瑟平生有微尚歡笑自此畢煙容如
在顏塵累忽相失倘逢騎羊子攜手陵白日

獨坐敬亭山

前人

衆鳥高飛盡孤雲獨去閒相看兩不厭只在一作有敬亭
山

南山

賀朝清

湖北雨初晴湖南山盡見崑崙石帆影如得海風便山
穴茅山峰彩雲時一見邀君共探此異錄殘幾卷

洞陽山

浮丘公
舊隱處

劉長卿

舊日仙成處荒林客到稀白雲將杖去芳草任人歸空

谷無行徑深山少

集作多

落暉桃源幾家住誰為掃荆扉

石菡山

前人

前山帶秋色獨住

集作往

秋江晚疊嶂入雲多孤峰去人

遠黃緣不可到蒼翠空在眼渡口問漁家桃源路深淺

斑竹巖

前人

蒼梧在何處斑竹自成林點點流殘淚枝枝寄在

集作此

心寒山響易滿秋水影偏深欲覓樵人路朦朧不可尋

寒山

僧皎然

侵空撩亂山獨愛我中峰無事負輕策閒行躡幽蹤衆
山搖落盡寒翠更重重

玉山嶺上作

權德輿

悠悠驅足馬征路上連岡晚翠深雲竇寒苔淨石梁荻
花偏似雪楓葉不禁霜愁見前程遠空郊下夕陽

仙娥峰下作

白居易

我為東南行始登商山道商山無數峰最愛仙娥好參
差樹若挿匡廬雲如抱渴望寒玉泉香聞紫芝草青巖
屏削碧白石牀鋪綺向無如此物安足留四皓感彼私
自問歸山何不早可能塵土中還隨衆人老

玉山

李商隱

玉山高共

集作與

閨風齊玉水清流不貯泥何處更求迴

日馭此中兼有上天梯珠容百斛龍休睡桐拂千尋鳳
要棲聞道神仙有才子赤簫吹罷好相携

杭州孤山

此詩見二百三十八卷

張祐

望巫山

張嶠

溪疊雲深轉谷遲
暝投孤店草虫悲
愁連遠水波濤夜
夢斷空山雨雹時
邊海故園荒後賣
入關玄髮夜來哀
東歸未必勝羈旅
況是東歸未有期

商山

王貞白

商山名利路夜亦有人行
四皓卧雲處千秋疊嶂生
晝煙籠澗黑殘雪隔林明
我待醉恩了來聽水石聲

西塞山

在武昌界孫吳以之為西塞

羅隱

吳塞當時指此山吳都亡後綠

集作水

孱顏嶺梅乍暖殘

粧恨沙鳥初晴小隊閒波濶魚龍應混雜壁危獫狁奈

驕

集作奸

頑會將一副寒蓑笠來與漁翁作往還

霍山

曹松

七十七百七十丈十丈藤蘿勢入天未必展來空似翅
不妨開去也成蓮月將河漢分巖轉僧與龍蛇共窟眠
直是畫工湏閣筆況無名畫可流傳

終南山

陪駕幸終南山

庾信

玉山乘四載瑤池宴行

類聚作八

龍龜橋浮少海鵠蓋上中

峰飛狐橫塞路白馬當河衝水奠三川石山封五樹松

長虹雙瀑布圓闕兩芙蓉戍樓鳴夕鼓山寺響晨鍾新

蒲節轉促短笋擗猶重樹宿舍櫻烏花留釀蜜蜂迎風

下列缺灑酒名昌容欣陪北上

類聚作且欣陪此上

方欲待東

封

同前

宇文昶

堯蓋臨河潁漢蹕踐華嵩日旂迴北鳳皇

一作星

旆轉南

鴻清

一作青

雲過宣曲先驅背射熊金桴拂泉底玉琯吹

雲中古轍稱難極新途或易窮煙生山欲盡潭淨水恒

空文

一作交

松上連霧脩竹下來風仙才道無別靈氣法

能通東棗蓋朝座西桃獻夜宮詔令王子晉出對浮丘

公

登終南山擬古

胡師耽

結廬終南山西北望帝京煙霧亂鳥道劣見長安城宮
雉互相映雙闕雲間生鐘鼓沸閭闔笳管咽承明朱閣
臨槐路紫蓋飛縱橫望望未極已甕牖秋風驚巖岫草
木黃飛鴈遺寒聲墜葉積幽徑繁露垂荒庭甕中酒新
熟澗谷寒蟲鳴且對一壺醉安知世間名寄言朝市客
同君樂太平

望中南山

詩注中南山即
周之終南山

唐太宗

見初
學記

重巒俯渭水碧嶂挿瑤天出紅扶嶺日入翠貯巖烟疊

松朝若夜複岫缺疑全對此恬千慮無勞訪九仙

終山行

集作終南山行

王維

太一近天都連天

集作山

到海隅白雲迴望合青靄入看

無分野中峰變陰晴衆壑殊欲投人處宿隔浦

集作水問

樵夫

晚晴見終南諸峰

賈島

秦分積多峰連巴勢不窮半旬藏雨裏此日到窓中
團魄將昇兔高虛欲叫鴻故山思不見碣石沈寥東

懷紫閣山

杜牧

學他趙世少深機
紫閣青霄半掩扉
山路遠懷王子晉
詩家長憶謝玄暉
百年不肯疎榮辱
雙鬢終應老是非
人道青山歸去好
青山曾有幾人歸

終南山

張嶠

帶雪復銜春
橫天占半秦
勢奇看不定
景變寫難真
洞遠皆通岳
川多更有神
白雲幽絕處
自古屬樵人

同前

王貞白

終朝異五岳

集作千山
凝黛色

列翠

集作
今古

滿長安地去搜揚近

人謀隱通難水穿諸苑過雪照一城寒為問紅塵裏誰

同駐馬看

集作太華遙相
望晴樓幾處看

同前

裴說

九衢南面色蒼翠絕纖塵寸步有閒處百年無到人禁

林寒對望太華淨相隣誰與羣峰竝祥雲瑞露集作
靄頻

泰山

遊泰山三首

李白

四月上泰山石平御道開六龍過萬壑澗谷隨縈迴馬
跡遶碧峰于今滿青苔飛流洒絕巘水色急集作松聲哀
北眺寧嶂竒傾崖向東推洞門閉石扇地底興雲雷登
高望蓬瀛想像金銀臺天門一長嘯萬里清風來玉女
四五人飄飄下九垓含笑引素手遺我流霞盃稽首再
拜之自愧非仙才曠然小宇宙棄世何悠哉

二

清齋三千日裂素寫道經吟誦有所得衆神衛我彤雲

行信長風颯若羽翼生攀崖上日觀伏檻窺東溟海色
動遠山天雞已先鳴銀臺出倒影白浪翻長鯨安得不
死樂高飛向蓬瀛

三

平明登日觀舉首開雲關精神四飛揚如出天地間黃
河從西來窈窕入遠山憑崖覽八極目盡長空閒偶然

值青童綠鬢盈雲鬟

集作雙雲鬟

笑我晚學仙蹉跎凋朱顏

躊躇忽不見浩蕩艱

集作難

追攀

華岳

行經太華

孔德紹

見初學記

紛吾世網暇靈岳展幽尋
寥廓風塵遠杳冥川谷深山
昏五里霧日落二華陰
疎峰起蓮葉危寒一作塞隱桃林
何必東都外此處可抽簪

扈從出西岳作

沈佺期

西鎮何穹崇壯哉信靈造
諸嶺皆峻秀中峰特美好
旁見巨掌存勢如拓東
倒頗聞首陽去開拆北集作此河道

磅礴壓洪源
崑嵒壯

初學記
作載

清吳雲泉紛亂瀑天磴砮

橫抱子先呼其巔宮女世不老下有府君廟歷載傳洒

掃皇明應天遊十月戒豐鎬微末忝閒從兼得事蘋藻

宿心愛茲山意欲拾靈草陰壑已承

集作水
初學記作永

閑雲竇

絕探討芳

集作
芬

月期再來迴策思方浩

春初送呂補闕往西岳勒碑 孫 逖

刻石記天文朝推谷子雲篋中緘聖札巖下揖神君語
別梅初艷為期草欲薰往來春不盡離思莫氛氲

華岳

王維

西岳出浮雲積翠在太清連天凝黛色百里遙青冥白

日為大

集作之

寒森沉華陰城昔開乾坤開變化生巨靈

右足踏方山左手推削成天地忽開折大河注東溟遂

為西岳崎

集作時岳

雄雄鎮秦京大君包覆載至德被羣生

上帝佇昭告金天思奉迎人祇望幸久何獨禪云亭

觀華岳

祖詠

西入秦關口南瞻驛路連彩雲生闕下松樹倒祠邊作

鎮當官道為雄控大川
蓮峰逕上處彷彿有神仙

經太華

衛光一

太華五千尋重岳才疑皆起勢飛白雲外影倒黃河裏
上有千葉蓮服之久不死山高採難得歎息徒仰止

華山

張喬

青蒼河一隅氣狀杳難圖
卓傑三峰出高竒四岳無力
疑擎上界勢猶厭集作獨壓中區衆水東西走羣山遠近趨

天迴諸宿照地聳百靈扶石壁烟霞麗集作藤蘿細龍潭雨

電麤澄凝

集作清涼

臨旬服險固束神都淺覺川原異深應

日月殊鶴歸青靄合仙去白雲孤濁瀑斜飛凍長松倒

掛枯每來探洞穴不擬返江湖儻有芝田種商巖老一

夫

集作巖間
寄野夫

華山上方

裴說

獨上上方上立高聊稱心氣衝雲易黑影落縣多陰有

雲

疑作雪

草不死無風松自吟會當求大藥他日復追尋

文苑英華卷一百五十九

欽定四庫全書

文苑英華卷一百六十

宋 李昉等 編

地部二

南岳三首

廬山四首

望夫山五首

歸山七首

山中十六首

雜題十四首

南岳

至湘州望南岳

吳均

重波淪且直連山斜復紛鳥飛不復見風聲猶可聞
隴樹裏月飄飄水上雲長安遠如此無緣得報君

望南岳

杜甫

南岳配朱鳥秩禮自百王歛吸領地靈鴻洞半炎方
邦家用祀典在德非馨香巡狩何寂寥有虞今則亡
洎吾隘世網行邁越瀟湘渴日絕壁出漾舟清光旁
祝融五峯尊峰峰次低昂紫蓋獨不朝爭長葉相望
恭聞魏夫人羣仙夾翱翔有時五峰氣散風如飛霜
牽迫限修途

未暇杖崇岡歸來覬命駕沐浴休玉堂三歎問府主曷
以贊我皇牲璧恐哀俗神其思降祥

遊南岳

張喬

入巖仙境清行盡復重行若得閒無事長來寄此生澗
松閒疑易老籠燭晚生明一宿泉聲裏思鄉夢不成

廬山

出守豫章郡途次廬山入東巖下作

張九齡

茲山鎮何所乃在澄湖陰下有蛟螭伏上與虹蜺尋靈

仙未始曠窟宅何期

其集作

深雙闕出雲峙三官

其集作

入

烟沉攀崖猶昔境種杏非舊林想像終古跡怡

其集作

悵

獨往心紛吾嬰世網數載忝朝簪孤根自靡托量力況

不任多謝周身防常恐橫議侵豈能駕鸞別

其集作

鵷惕

如泉壑臨迨臨

其集作

刺江郡來此滌塵襟有趣逢樵客

忘懷狎野禽棲閒義未果用拙歡在今願言答休命歸

事丘中琴

發湓城浦望廬山

集作初晴直省齋
勅催赴江陰十字

李嘉祐

西望香爐雪千峰晚色

集作照

新白頭悲作吏黃紙苦催

人多負登山屐深藏漈酒巾傷心公府內手板日相親

和段校書冬夕寄題廬山

劉得仁

名高身未到此恨蓄多時是夕吟因話他年必去隨
當時廬岳頂半入楚江湄幾處懸崖上千尋瀑布垂
鑪峰松浙瀝湓浦棹參差日色連湖白鐘聲拂浪遲
煙梯緣

薜荔岳寺步歎危地本饒靈草林曾出祖師石樓霞耀
壁猿樹鶴分枝細徑縈巖末高窓見海崖嵌空寒更極
寂寞夜尤思陰谷冰埋木仙田雪覆芝亂泉禪客瀨

疑作

秋異跡逸人知蘇室新開竈裡潭未了碁如何遂閒放
長得任希夷空務漁樵事方無道路悲謝公臺尚在陶
令柳潛衰塵外難相許人間貴迹遺雖懷丹桂影不忘
白雲期仁者終携手今朝預賦詩

廬山

王貞白

嶽立鎮南楚雄名天下聞五峰高闕日九疊翠連雲夏
谷雪猶在陰巖晝不分唯應嵩與華清峻得為羣

望夫山

望夫山

李白

寫
集作
顯

望臨碧空怨情感離別江草不知愁巖花但爭

發雲山萬重隔音信千里絕春去秋復來相思幾時歇

望夫石

前人

髣髴古容儀含愁帶曙輝露如今日淚苔似昔年衣有

恨同湘女無言類楚妃寂然芳靄內猶若帶一作待夫歸

同前

武元衡

佳人

集作名

望夫處苔蘚封孤石萬里水連天巴山暮雲

碧湘妃淚竹下成林

集作竹子成班

子規夜啼江水深

集作樹白

望夫山

正對和州郡樓

劉禹錫

終日望夫夫不歸化為孤石苦相思望來已是幾千載

祇是當年

集作時

初望時

同前

前人

何代提戈去不還獨留形影白雲間肌膚銷盡雪霜色
羅綺點成苔蘚斑江鶯不能傳達信野花空解妬愁顏
近來豈少征人婦笑採蘼蕪上北山

歸山

歸嵩山作

王維

晴川帶長薄車馬去閒閒流水如有意暮雲集作禽相與
還荒城臨古渡落日滿秋山迢遞嵩集作高山下歸來且

閑關

歲暮歸南山

孟浩然

北闕休上書南山歸敝廬不才明主棄多

一作卧

病故人

疎白髮催年去青陽逼歲除永懷愁不寐

一作寢

松月夜

窓虛

夜歸鹿門山歌

前人

山寺鐘鳴晝已昏漁梁渡頭爭喧

集作渡

喧人隨沙道

集作

路向江村余亦乘舟歸鹿門鹿門月照開煙樹忽辨

集作

到龐公栖隱處巖扉草

文粹作松徑

四字集作

長寂寞唯有

幽人夜來去

冬日歸舊山

李 白

未洗染塵纓歸來芳草平一條藤遶綠萬點雪峰晴地
冷葉先盡谷寒雲不行嫩篁侵舍密古樹倒江橫白犬
離村吠蒼苔壁上生穿厨孤雉過臨屋舊猿鳴木落禽
巢在籬疎獸路成拂床蒼一作鼠走倒篋素魚驚洗硯
脩良策敲松擬素貞此時重一去去合到三清

歸山作

釋護國

喧靜各有路偶隨心所安縱然在朝市終不忘林巒四
皓將拂衣二疏能掛冠牕前隱逸傳每日時三看新尚
那可論屈原亦可歎至今黃泉下名及青雲端松牖見
初月花間禮古壇何處論心懷世上空漫漫

歸舊山

張喬

昔年山下結茅茨村落重來野徑移樵客相逢悲往事
鄰生閒坐問歸期異藤遍樹無空處幽草緣溪少歇時
此景一拋吟欲老可能文字聖朝知

自歸山

陳陶

海嶽南歸遠，天門北望深。
暫為青瑣客，難換白雲心。
富貴老閒事，猿猴思舊林。
清平無樂志，一作道樽酒有瑤琴。

山中

山中

集作未
婚山中叙志

王績

物外知何事，山中無所有。
風鳴靜夜琴，月照方春集作樽。

酒直置百年內，誰論千載後。
張鳳集作奉娉賢妻，老萊藉

嘉偶。孟光儻未嫁，梁鴻正須婦。

羈卧山中

盧照隣

卧壑迷時代行歌任死生
紅顏意氣盡白壁故交輕
澗戶無人迹山窓聽鳥聲
春蘚緣巖上寒光入溜平
雪盡松帷暗雲開石路明
夜伴饑鼯宿朝隨馴雉行
度溪猶憶處尋洞不知名
紫書長自其作日閱丹藥幾年成
撞鐘鳴天鼓燒香厭地精
倘過集作遇浮丘鶴飄飄凌太清

早秋山中作

王維

無才不敢累明時
思向東溪守故籬
集作豈厭尚平婚

嫁早却嫌陶令去官遲草間蟲

集作蛩

響臨秋急山裏蟬

聲薄暮悲寂寞柴門人不到空林獨與白雲期

集作歸

落日憶山中

李白

雨後煙景綠晴天散餘霞東風隨春歸發我枝上花花
落時欲暮見此令人嗟願遊名山去學道飛丹砂

山中作

馮道之

一作用之

草堂在巖下卜居聊自適桂氣滿階庭松陰生枕席遠
瞻惟鳥度旁信無人跡靄靄雲生峰潺潺水流石頗尋

黃卷理庶就丹砂益此即契吾生何為苦塵役

同前

沈千蓮

棲隱別無事所願早離塵不辭城邑遊禮樂拘束人邇

來歸山林庶事皆吾身何者為形骸誰辨文粹作是智與仁

寂寞了閒事然後知天真咳唾矜文粹作驚榮華迂俯相屈

伸何如巢與由天子不得臣

同前

顧況

野人愛向山中宿況在葛洪丹井西庭前有箇長松樹

半夜子規來上啼

五字一作山中啼子規

此詩三百二十九卷重出今已削去

山中作春夜

張籍

寂寞山

集作春

景靜幽人歸卧遲移

集作機

琴當月下灑

集作

壓酒及花時新露冷茆席

集作濕茅屋

暗泉衡竹籬西峰採

藥伴此夕恨無期

山中自述

于鵠

三十無名客空山獨卧秋病多知藥性年長信人愁螢

影竹窓下松聲茅屋頭近來心更靜不夢世間遊

秋日山中

姚合

秋來長早起拄杖繞堦行風冷衣裳脫天寒筆硯清臨
書愛竒跡避酒怕狂名不擬隨麋鹿山中過一生

秋夜山中述事

薛能

初宵門未掩獨坐對霜空極目故鄉月滿溪寒草風樵
聲當嶺上僧語在雲中正恨歸期晚蕭蕭聞塞鴻

山中作

項斯

青樾林疎亦有人一渠流水數家分
山當日午移峯影
草帶泥痕過鹿羣
蒸茗氣衝茆屋出
縑絲聲隔竹籬聞
行逢賣藥歸來客
不惜相隨入白雲

山中冬夜

張喬

寒葉風搖盡空林
鳥宿稀澗冰妨鹿飲
山雪阻僧歸
夜坐塵心定
長吟語力微
人間去多事
何處夢柴扉

山中言事

方干

日與村家事漸同
燒畬

集作松

掇茗學隣翁
池塘月動

集作

撼芙蓉浪牖

集作窓

戶涼生薜荔風書幌晝昏嵐氣裏巢

枝俯

集作夜

折雪聲中山陰釣叟無知己窺鏡得多鬢欲

空

山中

司空圖

全家與我戀孤岑蹋得蒼苔一徑深逃難人多分隙地
放生鹿大出寒林名應不朽輕山骨理到忘機近佛心

昨夜前溪驟雲

集作雷

雨晚晴獨步數峰吟

同前

曹松

要路豪家非往還巖門先有不曾關衆心惟恐地無剩
吾意亦憂天惜閒白練曳泉窓下石絳羅垂果枕前山
樵夫豈解營生業貴欲自安麋鹿間

雜題

守山東

沈約

守山東山東萬籟

類聚作嶺

鬱青蔥兩壑共一瀉水潔望如

空崖側青莎被巖間丹桂叢上瞻既隱軫下睇亦溟濛

遠林響咆獸近樹聒鳴蟲路出若谿右

類聚作古

澗吐金華

東萬仞倒危石百丈注懸淙制手曳瀉流電奔飛似白虹
洞井含清氣漏穴吐飛風玉竇高滴瀝石乳室空籠余
平生之所愛歟暮年之逢此欲一去而不還悵鄒衣之
未褫秩滿撫白雲淹留事芝髓

留真人東南還

前人

連峰竟無已積翠遠微微寥唳野風急芸黃秋草腓我
來歲云暮於此悵懷歸霜雪方共下寧唯止露衣待余
兩岐成去去掩柴扉

和宇文內史春日遊山

庾信

遊客值春輝，金鞍上翠微。
風逆花迎面，山深雲濕衣。
鴈持一足倚，猿將兩臂飛。
戍樓侵嶺路，山村落獵圍。
道士封君達，仙人丁令威。
煮丹於此地，居然未肯歸。

賦得山卦名

張正見

蓬萊遯羽客，巖穴轉蒙籠。
雲歸仙井暗，霧解石橋通。
影帶臨峰鶴，形隨雜雨風。
尋思不失路，咸欲馭飛鴻。

賦得往往孤山映

蕭詮

卷一百六十
青山照落暉，映遠望連飛。
仙峰看玉筍，關路視金微。
鼓吹聲疑盡，香爐煙覺稀。
共君臨水別，勞此送將歸。

夜作巫山

崔仲方

荆門秋水急，巫峽斷雲卿。
一作輕若為教月夜，長短聽猿

聲。

南隱遊泉山

孔德紹

名山狎招隱，俗外遠相求。
還如倒景望，忽似闌風遊。
臨崖俯大壑，披霧仰飛流。
歲積松方偃，年深椿欲秋。
野花

開石鏡雲葉掩山樓何須問方士此處即瀛洲

過東山谷口

盧照隣

不知名利險辛苦滯皇州始覺風塵倦歸來事綠疇桃
源迷處所桂樹可淹留跡異人間俗禽同海上鷗古苔
依井被新乳傍涯一作崖流野老堪成鶴山神或化鳩泉

明碧澗底花落紫巖幽日暮食龜殼天寒御鹿裘不辨
秦將漢寧知春與秋多謝青浦客去去赤松遊

遊禹穴

宋之問

禹穴今晨到耶溪此路通著書聞太史鍊藥有仙翁鶴

往韻

集作龍

猶掛龍飛劍似

集作已

空石帆揺海上天鏡落

湖中水底寒雲白山邊墜葉紅歸舟何慮晚日暮使樵

風

遊陸渾南山自歇馬嶺到楓香林以詩代書答

李舍人適

前人

晨發歇馬嶺遙望伏牛山孤出羣峰首熊熊元氣間太

和亦崔嵬石扇

集作靡

橫閃倏細岑互攢倚浮巖競奔蹙

白雲近入懷青雲近可掬

集作青靄
濃盈掬

徒尋靈異跡

集作
我從

尋靈異

周顧愜心目晨拂鳥路行暮投入煙宿

此下集有
粳稻遠彌

秀栗芽新秋熟石髓非一
巖藥苗乃萬族二十字

間關踏

集作
蹈

雲雨繚繞緣水

木西見商山芝南到楚鄉竹楚竹幽且深半雜楓香林

浩歌清潭

集作
楓香

曲寄爾桃源心

至陵陽山登天柱石酬韓侍御見招隱黃山

李白

韓衆騎白鹿西往華山中玉女十

集作
千

餘人相隨在雲

空見我傳秘訣精誠與天通何意到陵陽遊目送飛鴻

天子昔避狄與君亦乘驄擁兵玉集作五陵下長策遏胡

戎時秦解繡衣脫身若飛蓬鸞鳳翻羽翼啄粟坐煩集作

樊籠海鶴一笑之思歸向遼東黃山過石柱巖壑上攢

叢因巢翠玉樹忽見浮丘公又引王子喬吹笙舞松風

朗詠紫霞篇情關集作請開藥珠宮步岡繞碧落倚樹招青

童何日可携手遺形入無窮

焦山杳望松寥山

前人

石壁望松寥寂

集作宛

然在碧霄安得五彩虹駕天作長

橋仙人如愛我攀

集作舉

手兩相招

鄒衍谷

前人

燕谷無煖氣窮巖閉巖陰鄒子一吹律能迴天地心

銅官山醉後

前人

我愛銅官樂十年未擬還要須迴舞袖拂盡五松山

文苑英華卷一百六十